

Bosna i Hercegovina
Federacija Bosne i Hercegovine
Bosansko-podrinjski kanton Goražde
MINISTARSTVO ZA PRIVREDU



P R O G R A M

utroška sredstava

Ministarstva za privredu Bosansko-podrinjskog kantona Goražde
sa ekonomskog koda 614500 POD 003
„Subvencije za podsticaj razvoja, poduzetništva i obrta“

Goražde, maj 2018.godine

Na osnovu člana 45. Zakona o izvršenju Budžeta Bosansko-podrinjskog kantona Goražde za 2018. godinu ("Službene novine Bosansko-podrinjskog kantona Goražde", broj:13/17), a u skladu sa odredbama Zakona o ministarstvima i drugim tijelima Kantonalne uprave Bosansko – podrinjskog kantona Goražde ("Službene novine Bosansko-podrinjskog kantona Goražde ", br.9/13 i 13/13), te u skladu sa poglavljem III –Strateška platforma tačka 3. stav 3. Strategije razvoja Bosansko-podrinjskog kantona Goražde za period 2016-2020.godine ("Službene novine Bosansko-podrinjskog kantona Goražde“, br.4/16), Ministarstvo za privredu Bosansko-podrinjskog kantona Goražde, **utvrđuje:**

P R O G R A M

utroška sredstava Ministarstva za privredu Bosansko-podrinjskog kantona Goražde sa ekonomskog koda 614500 POD 003 „Subvencije za podsticaj razvoja, poduzetništva i obrta“

1. NAZIV PROGRAMA

Naziv Programa je " Program podrške razvoju poduzetništva i obrta za 2018. godinu", sa ekonomskog koda 614500 POD 003 - „Subvencije za podsticaj razvoja, poduzetništva i obrta“ .

PODACI O PROGRAMU

Period realizacije Programa:	01.01.-31.12.2018.godine
Budžetska pozicija:	Subvencije za podsticaj razvoja, poduzetništva i obrta
Ekonomski kod:	614500 POD 003
Ukupna vrijednost Programa:	100.000,00 KM
Odgovorna osoba:	Anes Salman
Pozicija odgovorne osobe:	Ministar
Kontakt osoba za Program:	Almas Pita
Kontakt telefon:	038-224-264
Kontakt e-mail:	mpbk-privredaipoduzetnistvo@hotmail.com

SAGLASNOST NA PROGRAM

Saglasnost na ovaj Program, u skladu sa članom 45.Zakona o izvršenju budžeta Bosansko-podrinjskog kantona Goražde za 2018.godinu ("Službene novine Bosansko-podrinjskog kantona Goražde", broj:13/17), je dala Vlada Bosansko-podrinjskog kantona Goražde Odlukom broj:03-14-789/18 od 04.06.2018.godine.

2. SVRHA I OPIS PROGRAMA

2.1 Svrha Programa

Na osnovu Zakona o ministarstvima i drugim tijelima kantonalne uprave Bosansko-podrinjskog kantona Goražde (“Službene novine Bosansko – podrinjskog kantona Goražde” broj: 9/13), nadležnosti Ministarstva za privredu Bosansko-podrinjskog kantona Goražde su predlaganje i provođenje politike u oblasti industrije, poduzimanje mjera za unaprjeđenje proizvodnje, upravljanje prirodnim bogatstvima, razvoj poljoprivrede, upravljanje poljoprivrednim zemljištem, uzgoj, zaštita i unaprjeđenje šuma, šumske komunikacije i eksploatacija šuma, industrijske vode, vodoprivredne aktivnosti, korištenje voda u energetske i rekreacijske svrhe, upotreba i zaštita voda, ulaganja u privredna preduzeća, promet roba i usluga, učešće u kreiranju politike uvoza i izvoza, kontrola cijena proizvoda i usluga, zaključivanje ekonomskih sporazuma, kreiranje i implementacija politike kantonalnog turizma, razvoj turističkih resursa, razvoj rekreativnih, rehabilitacijskih i drugih centara, promocija turizma, ugostiteljstvo, poduzetništvo, provođenje politike razvoja komunikacija i transportne infrastrukture, razvoj javnog prometa, izgradnja, obnova i održavanje saobraćajnica od značaja za kanton, modernizacija cestovnog prometa i osiguranje komunikacijskih veza na području Bosansko-podrinjskog kantona Goražde.

“Program podrške razvoju poduzetništva i obrta za 2018.godinu” usklađen je sa Zakonom o izvršenju Budžeta Bosansko-podrinjskog kantona Goražde za 2018. godinu („Službene novine Bosansko-podrinjskog kantona Goražde“, broj: 13/17).

2.2 Opis Programa

Program utroška je provedbeni akt Ministarstva za privredu Bosansko-podrinjskog kantona Goražde koji osigurava da se planirana sredstva Budžeta Bosansko-podrinjskog kantona Goražde koriste na transparentan, specifičan i mjerljiv način u vremenski određenom periodu sa namjerom/svrhom da se kroz podsticaj otvaranju novih obrta, podsticaj zapošljavanju, rastu i razvoju obrtničke/poduzetničke djelatnosti omogući poboljšanje ukupnog životnog standarda u Bosansko-podrinjskom kantonu Goražde.

Program će obezbijediti podsticaje za sufinansiranje projekata i zahtjeva obrtnika/poduzetnika koji su ranije registrovani u Bosansko-podrinjskom kantonu Goražde. Zahtjevi se podnose u skladu sa procedurama predviđenim Programom i na propisanim obrascima u aplikacionoj formi za projekte i aplikacionoj formi za zahtjeve.

Program utroška sredstava sa ekonomskog koda 614500 – Subvencije za podsticaj razvoja, poduzetništva i obrta Ministarstva za privredu Bosansko-podrinjskog kantona Goražde

za 2018. godinu (u daljem tekstu Program), definiše bitne elemente za dobijanje saglasnosti za Program od strane Vlade Bosansko-podrinjskog kantona Goražde, kao što su opći i posebni ciljevi Programa, kriteriji za raspodjelu sredstava, potrebna sredstva, korisnici sredstava, procjena rezultata, te procjena nepredviđenih rashoda i izdataka.

3. OPĆI I POSEBNI CILJEVI PROGRAMA

3.1. Opći (osnovni) cilj Programa

Opći (osnovni) cilj Programa jeste sufinansiranje projekata i pružanje pomoći za unaprjeđenje postojećeg obrta, sufinansiranje niskoakumulativnih djelatnosti i starih zanata, kao i sufinansiranje postojećeg obrta, starih zanata, niskoakumulativnih djelatnosti i registrovanih djelatnosti u oblasti trgovine i ugostiteljstva sa ciljem očuvanja djelatnosti i poboljšanja uslova poslovanja.

3.2. Posebni (specifični) ciljevi Programa

U skladu sa općim ciljem, Programom se definišu sljedeći posebni (specifični) ciljevi.

- 1) Pružanje pomoći za unaprjeđenje postojećeg obrta i sufinansiranje niskoakumulativnih djelatnosti i starih zanata,
- 2) Sufinansiranje postojećeg obrta, niskoakumulativnih djelatnosti, starih zanata, kao i drugih registrovanih djelatnosti (trgovina, ugostiteljstvo) u cilju očuvanja djelatnosti i poboljšanja uslova poslovanja (rezervna sredstva)

3.2.1. Pružanje pomoći za unaprjeđenje postojećeg obrta i sufinansiranje niskoakumulativnih djelatnosti i starih zanata

U okviru prvog posebnog cilja obezbijedit će se podrška obrtnicima, starim zanatima i obrtnicima u niskoakumulativnim djelatnostima za unaprjeđenje postojećeg obrta .

Podrška će se prioritarno pružiti u vidu sufinansiranja nabavke mašina, uređaja, ostale opreme i repromaterijala, isplatu plaća i doprinosa, rekonstrukcije i investicionog ulaganja u objekte.

Na ovaj poseban cilj aplicira se isključivo putem aplikacione forme za projekte.

3.2.2. Sufinansiranje postojećeg obrta, niskoakumulativnih djelatnosti, starih zanata, kao i drugih registrovanih djelatnosti (trgovina, ugostiteljstvo), u cilju očuvanja djelatnosti i poboljšanja uslova poslovanja (rezervna sredstva).

U okviru drugog posebnog cilja obezbijedit će se podrška obrtnicima, starim zanatima i obrtnicima u niskoakumulativnim djelatnostima, kao i privrednim subjektima registrovanim u

drugim djelatnostima (trgovina, ugostiteljstvo), u cilju očuvanja postojeće djelatnosti i prevazilaženja poteškoća u radu.

Podrška će se prioritetno pružiti u vidu sufinansiranja nabavke mašina, uređaja, ostale opreme i repromaterijala, nadoknade dijela štete nastale nepredviđenim okolnostima, isplate plaća i doprinosa, rekonstrukcije i investicionog ulaganja u objekte, u cilju očuvanja djelatnosti i poboljšanja uslova poslovanja.

Na ovaj poseban cilj aplicira se isključivo putem aplikacione forme za zahtjeve na rezervna sredstva po raspisanom javnom pozivu.

Aplicirati se može samo na jedan poseban cilj predviđen Programom, a pravo apliciranja nemaju privredni subjekti koji su registrovani kao privredna društva.

4. POTREBNA SREDSTVA ZA PROVOĐENJE PROGRAMA

4.1. Visina sredstava za provođenje Programa

Potrebna sredstva za provođenje Programa planirana su Budžetom Ministarstva za privredu Bosansko-podrinjskog kantona Goražde za 2018. godinu („Službene novine Bosansko-podrinjskog kantona Goražde“, broj: 13/17), na ekonomskom kodu 614500 POD 003 – Subvencije za podsticaj razvoja, poduzetništva i obrta, u ukupnom iznosu od 100.000,00 KM.

4.2. Maksimalni budžet po posebnim (specifičnim) ciljevima

Programom se utvrđuje visina, odnosno maksimalni iznos sredstava za svaki posebni cilj Programa. Maksimalna visina sredstava za svaki poseban (specifičan) cilj predstavlja jednu finansijsku komponentu Programa.

Za svaki poseban cilj, odnosno za svaku finansijsku komponentu Programa definisan je sljedeći maksimalni budžet:

- 1) Pružanje pomoći za unaprjeđenje postojećeg obrta i sufinansiranje niskoakumulativnih djelatnosti i starih zanata

Maksimalan budžet 80.000,00 KM

- 2) Sufinansiranje postojećeg obrta, niskoakumulativnih djelatnosti, starih zanata, kao i drugih registrovanih djelatnosti (trgovina, ugostiteljstvo), u cilju očuvanja djelatnosti i poboljšanja uslova poslovanja (rezervna sredstva)

Maksimalan budžet 20.000,00 KM

4.3. Preraspodjela sredstava

U slučaju potrebe, Ministarstvo za privredu Bosansko-podrinjskog kantona Goražde može napraviti preraspodjelu sredstava sa jedne na drugu komponentu (posebnog cilja) u iznosu do maksimalno 10 procenata od iznosa komponente sa koje se sredstva prenose. Preraspodjelu ovih sredstava Ministarstvo za privredu Bosansko-podrinjskog kantona Goražde će izvršiti odlukom ministra za privredu.

U slučaju postojanja opravdane potrebe za korekcijom iznosa sredstava planiranih za svaki posebni cilj Programa do maksimalno 25 procenata, Ministarstvo za privredu Bosansko-podrinjskog kantona Goražde može napraviti preraspodjelu sredstava uz saglasnost Vlade Bosansko-podrinjskog kantona Goražde.

U slučaju izmjene ukupne vrijednosti Programa koja je rezultat izmjene i dopune Budžeta Bosansko-podrinjskog kantona Goražde, preusmjerenja sa drugih kodova ili na druge kodove unutar budžeta ministarstva i preusmjerenja između budžetskih korisnika, Ministarstvo za privredu Bosansko-podrinjskog kantona Goražde se ovlašćuje da može vršiti izmjenu i dopunu Programa u skladu sa potrebama na osnovu kojih su donešene odluke o preusmjerenju, povećanju ili smanjenju ukupne vrijednosti Programa uz saglasnost Vlade Bosansko-podrinjskog kantona Goražde.

4.4. Rezervna sredstva za rješavanje hitnih i prioritetnih zahtjeva

Na rezervna sredstva može se aplicirati u okviru 2.posebno cilja- Sufinansiranje postojećeg obrta, niskoakumulativnih djelatnosti, starih zanata, kao i drugihi registrovanih djelatnosti (trgovina, ugostiteljstvo), u cilju očuvanja djelatnosti i poboljšanja uslova poslovanja (rezervna sredstva), poslije raspisivanja javnog poziva.

Visina sredstava planirana za ove namjene je 20.000,00 KM, a sredstva se mogu koristiti za namjene opisane u ovom posebnom cilju i aplicira se isključivo putem aplikacione forme za zahtjeve.

5. KRITERIJI ZA RASPODJELU SREDSTAVA

5.1. Način raspodjele sredstava

Raspodjela sredstava vrši se dodjelom državne pomoći za svrhe predviđene poglavljem 3. Programa- Opći i posebni ciljevi. Državna pomoć može se dodijeliti samo jednom, a u skladu sa procedurama predviđenim Programom.

Raspodjela sredstava vršiće se na osnovu odobrenih projekata i zahtjeva za sredstvima u skladu sa svakim posebnim ciljem Programa. Konačnu saglasnost na spisak korisnika sredstava državne pomoći iz ovog Programa daje Vlada Bosansko-podrinjskog kantona Goražde.

Sredstva iz ovog Programa dodjeljivaće se u formi projektnog finansiranja (plaćanje unaprijed) i u formi subvencioniranja troškova (naknadno plaćanje). Dodjela sredstava se može vršiti u hitnim slučajevima i na osnovu zahtjeva za podrškom u realizaciji pojedinačne aktivnosti ili potrebe isključivo na način propisan Programom.

5.2. Kriteriji za raspodjelu

Sredstva iz budžeta će se dodjeljivati korisnicima srazmjerno njihovom doprinosu ostvarivanja općeg i posebnih ciljeva i očekivanih rezultata Programa. Za ocjenjivanje doprinosa ostvarivanja ciljeva Programa primjenjivat će se dva eliminatorna kriterija i jedan kriterij za rangiranje aplikacija.

Eliminatorni kriteriji su:

1. Ispunjavanje općih uslova za učestvovanje u Programu.
2. Ispunjavanje posebnih uslova za učestvovanje u Programu.

Kriterij po osnovu kojeg će se rangirati aplikacije je rezultat procesa apliciranja, selekcije i evaluacije projekata i zahjeva, a rangiranje će se vršiti u skladu sa skalom za evaluaciju (tačka.5.6.11.-skala za evaluaciju).

5.3. Opći uslovi za učestvovanje u Programu

U implementaciji Programa primjenjivaće se restriktivne procedure koje omogućavaju ravnopravno učestvovanje u Programu svim licima koja spadaju u jednu od sljedećih kategorija:

- a. Da imaju rješenje o registraciji za obrt koje je izdao nadležni općinski/gradski organ i da im je prebivalište (registracija) na prostoru Bosansko-podrinjskog kantona Goražde.
- b. Da imaju rješenje o registraciji koje je izdao nadležni općinski/gradski organ (obrt, trgovinska i ugostiteljska djelatnost) i da im je prebivalište (registracija) na prostoru Bosansko-podrinjskog kantona Goražde.

Lica koja spadaju u jednu od kategorija iz prethodnog stava obavezna su ispunjavati sljedeće opće uslove za učestvovanje u Programu:

1. Da imaju registraciju na prostoru Bosansko-podrinjskog kantona Goražde.
2. Da imaju ugovor o otvorenom bankovnom računu i uvjerenje banke da isti nije u blokadi.
3. ID broj aplikanta (identifikacioni broj aplikanta).
4. Da u momentu podnošenja aplikacije imaju jednog ili više stalno zaposlenih radnika na neodređeno vrijeme.
5. Da nemaju neizmirenih obaveza za poreze i doprinose, osim obaveza koje su obuhvaćene ugovorom o reprogramiranju duga.

5.4. Posebni uslovi za učestvovanje u Programu

U implementaciji Programa, pored općih, primjenjivaće se i posebni uslovi za učestvovanje u Programu.

Posebni uslovi koji se primjenjuju za aplikante u okviru prvog posebnog cilja su:

1. Da spadaju u a. kategoriju lica kojima je općim uslovima omogućeno učestvovanje u Programu.
2. Da su registrovani za obrt i da im je prebivalište (registracija) na prostoru Bosansko-podrinjskog kantona Goražde.
3. Da nisu registrovani za trgovinsku, ugostiteljsku i poljoprivrednu djelatnost.
4. Da su namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena.
5. U okviru ovog posebnog cilja aplicira se isključivo putem aplikacione forme za projekte.

Posebni uslovi koji se primjenjuju za aplikante u okviru drugog posebnog cilja su:

1. Da spadaju u b. kategoriju lica kojima je općim uslovima omogućeno učestvovanje u Programu.
2. Da su registrovani za obrt, trgovinsku i ugostiteljsku djelatnost i da im je prebivalište (registracija) na prostoru Bosansko-podrinjskog kantona Goražde.
3. Da nisu registrovani kao privredna društva (apliciraju na drugi program)
4. Da su namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena.
5. U okviru ovog posebnog cilja aplicira se isključivo putem aplikacione forme za zahtjeve na rezervna sredstva.

5.5. Kandidovanje prijedloga projekata i podnošenje zahtjeva za sredstvima

Prijedlozi projekata i zahtjevi za sredstvima dostavljaju se nakon objavljivanja javnog poziva, koji se raspisuje u skladu sa procedurama predviđenim Programom.

Aplicira se na obrascima koje je propisalo Ministarstvo za privredu Bosansko-podrinjskog kantona Goražde, u aplikacionoj formi za dostavljanje prijedloga projekata i u aplikacionoj formi za dostavljanje zahtjeva.

Prijedlozi projekata se dostavljaju za apliciranje na sredstva u okviru prvog posebnog cilja, po objavljivanju javnog poziva u skladu sa rokovima koji su definisani javnim pozivom.

U okviru drugog posebnog cilja, aplikanti dostavljaju isključivo zahtjeve za sredstvima. Aplicira se na rezervna sredstva u aplikacionoj formi za zahtjeve po objavljivanju javnog poziva.

Javni poziv će se raspisati za sljedeće posebne ciljeve Programa:

- 1) Pružanje pomoći za unaprjeđenje postojećeg obrta i sufinansiranje niskoakumulativnih djelatnosti i starih zanata,
- 2) Sufinansiranje postojećeg obrta, niskoakumulativnih djelatnosti, starih zanata, kao i drugih registrovanih djelatnosti (trgovina, ugostiteljstvo) u cilju očuvanja djelatnosti i poboljšanja uslova poslovanja (rezervna sredstva)

Pravilno popunjavanje propisane forme omogućava da se svi aspekti prijedloga projekata i zahtjeva za sredstvima objektivno selektiraju i procjene i isti ne mogu biti pisani rukom jer će biti automatski odbijeni.

Svi prijedlozi projekata ili zahtjeva procjenjuju se u skladu sa procedurama apliciranja, selekcije, evaluacije i rangiranja.

5.6. Procedure apliciranja, selekcije i evaluacije projekata i zahtjeva za sredstvima

5.6.1. Aplikanti

Lica koja ispunjavaju opće uslove za učestvovanje u Programu i koja u formi propisanoj od strane Ministarstva za privredu Bosansko-podrinjskog kantona Goražde dostave prijedlog projekta i zahtjev za sredstvima imaju status aplikanta. Aplikant može odabrati najpovoljniji način apliciranja na sredstva.

Javni poziv se raspisuje po dobivanju saglasnosti na Program od strane Vlade Bosansko-podrinjskog kantona Goražde.

Javni poziv sadrži: Predmet javnog poziva, Naziv posebnog cilja Programa, kriteriji i korisnici sredstava, Pravo učešća, Sadržaj prijave za učešće na javni poziv za dodjelu finansijskih sredstava, Kriteriji za ocjenu prijave i izbor korisnika, Način preuzimanja potrebne dokumentacije, Način podnošenja prijave i Ostale odredbe.

Javni poziv se objavljuje na internet stranici Vlade Bosansko-podrinjskog kantona Goražde i u jednom ili više elektronskih medija.

5.6.2. Kandidovanje prijedloga projekata

Aplikant može kandidovati prijedlog projekta u kojem je planirano sufinansiranje troškova projekta iz sredstava Programa.

Aplikant može dostaviti samo jedan prijedlog projekta u okviru ciljeva predviđenih Programom. Prijedlozi projekata se ne dostavljaju u okviru drugog posebnog cilja, već samo zahtjevi i aplikanti mogu dostaviti zahtjeve za sredstvima u skladu sa Programom.

Ministarstvo za privredu Bosansko-podrinjskog kantona Goražde može raspisati drugi javni poziv za dostavljanje prijedloga projekata ukoliko se u prvom javnom pozivu ne utroše sva planirana sredstva Programa, ukoliko dodje do povećanja budžeta, te ukoliko se sredstva planirana za finansiranje ne utroše u vremenskom planu koji je određen Programom.

5.6.3. Finansiranje prijedloga projekata

Iznos granta koji može biti zatražen za sufinansiranje projekta je do 6.000,00 KM.

Prijedlozi projekata čiji zatraženi iznos granta prelazi 6.000,00 KM i projekti pisani rukom će u fazi administrativne provjere biti automatski odbijeni kao neprihvatljivi za finansiranje.

5.6.4. Podnošenje zahtjeva za sredstvima

Podnošenje zahtjeva za sredstvima predviđeno je isključivo u okviru drugog posebnog cilja na rezervna sredstva po objavljivanju javnog poziva.

Zahtjev za sredstvima aplikant podnosi u propisanoj aplikacionoj formi za zahtjeve. Istovremeno aplikant može podnijeti samo jedan zahtjev za sredstvima.

Aplikant može dostaviti zahtjev za sredstvima nakon objavljivanja javnog poziva.

5.6.5. Obavezni sadržaj zahtjeva

Prilikom apliciranja u vidu zahtjeva za odobravanje sredstava, aplikant je obavezan navesti slijedeće informacije:

- osnovne podatke o aplikantu,
- opis usklađenosti zahtjeva sa konkretnim posebnim ciljem,
- razlog zbog kojeg se zahtjevom traži odobravanje sredstava sa opisom mjera poduzetim prije podnošenja zahtjeva,
- pregled planiranih aktivnosti koje će se poduzeti u slučaju odobravanja sredstava,
- očekivani rezultat koji se planira ostvariti u slučaju odobravanja sredstava,

- iznos traženih sredstava iz Programa i iznos sredstava koji bi se obezbijedio iz drugih izvora.

Zahtjev za sredstvima koji je podnešen od aplikanta obavezno mora biti usklađen sa prioritetima i finansijskim kriterijima koji su definisani u Programu. Zahtjevi koji ne ispunjavaju formu obaveznog sadržaja, odnosno zahtjevi koji nisu usklađeni sa prioritetima i finansijskim kriterijima I zahtjevi koji su pisani rukom u administrativnoj provjeri će biti odbačeni kao neprihvatljivi za finansiranje.

5.6.6. Finansiranje zahtjeva za sredstvima

Iznos granta koji može biti zatražen za sufinansiranje putem zahtjeva je do 2.000,00 KM.

Prijedlozi projekata aplicirani putem zahtjeva čiji zatraženi iznos granta prelazi 2.000,00 KM i zahtjevi pisani rukom će u fazi administrativne provjere biti automatski odbijeni kao neprihvatljivi za finansiranje.

5.6.7. Otvaranje aplikacija i administrativna provjera

Otvoravanje aplikacija i administrativna provjera prijedloga projekata i zahtjeva za sredstvima se provodi odmah po zatvaranja Javnog poziva.

Administrativna provjera se provodi u cilju utvrđivanja da li lice koje je dostavilo aplikaciju ispunjava uslove za dobivanje statusa aplikanta u skladu sa odredbama ovog Programa. Administrativnu provjeru vrši komisija Ministarstva za privredu Bosansko-podrinjskog kantona Goražde. Administrativnom provjerom se utvrđuje:

- da li je aplikacija dostavljena u roku i na način predviđen Programom,
- da li su dostavljeni svi prilozi na način predviđen Programom,
- da li aplikant ispunjava opće uslove za učestvovanje u Programu,
- da li aplikant ispunjava posebne uslove za kandidovanje projekta i zahtjeva za sredstvima,
- da li je aplikacija potpuna i ispravno popunjena u skladu sa propisanom formom,
- da li je aplikacija usklađena sa svrhom Programa, općim ciljem Programa, da li je zahtjevana podrška u skladu sa posebnim ciljevima Programa i da li je predloženo finansiranje u skladu sa odredbama o finansiranju.

Ukoliko su ovi uslovi ispunjeni, komisija će aplikaciju evaluirati u skladu sa odredbama Programa. U suprotnom aplikacija će i bez evaluacije biti odbijena iz administrativnih razloga.

Aplikacije pisane rukom će biti automatski odbijene.

Nakon provedene administrativne procedure i evaluacije dostavljenih prijedloga projekata i zahtjeva za sredstvima, Ministarstvo će obavijestiti sve aplikante o rezultatima administrativne provjere i evaluacije.

5.6.8. Evaluacija dostavljenih prijedloga projekata

Komisija provodi evaluaciju dostavljenih prijedloga projekata nakon provedene administrativne provjere. Za provođenje administrativne provjere, procesa selekcije, evaluacije i ocjenjivanja projekata Ministarstvo za privredu Bosansko-podrinjskog kantona Goražde formira komisiju.

Komisija sve dostavljene aplikacije razmatra i evaluira u periodu od maksimalno 30 dana od završetka administrativne provjere.

U evaluaciji projekata komisija primjenjuje pet grupa indikatora i to:

- Finansijski i operativni kapaciteti aplikanta
- Relevantnost
- Metodologija
- Održivost
- Budžet i troškovna efikasnost

5.6.9. Evaluacija dostavljenih zahtjeva za sredstvima

Komisija provodi evaluaciju zahtjeva nakon provedene administrativne provjere.

U evaluaciji zahtjeva komisija primjenjuje tri grupe indikatora i to:

- Relevantnost
- Održivost
- Budžet i troškovna efikasnost.

5.6.10. Ocjenjivanje aplikacija

Evaluacija aplikacija se provodi na osnovu skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim kategorijama procjena:

- 1 - veoma slabo;
- 2 - slabo;
- 3 - adekvatno;
- 4 - dobro;
- 5 - veoma dobro.

Svaka ocjena se množi sa koeficijentom koji je za svaki indikator predviđen u evaluacijskoj skali. Maksimalan broj bodova za projekat iznosi 100, dok je maksimalan broj bodova za zahtjev za sredstvima 80.

Projekti koji imaju manje od 70 bodova, odnosno zahtjevi za sredstvima koji imaju manje od 50 bodova se odbacuju u prvom krugu selekcije. Ukoliko je ukupan rezultat u poglavlju **relevantnost** manji od 15 aplikacija se odbija, bez obzira na dobiven ukupan maksimalan broj bodova. Ukoliko je ukupan rezultat u poglavlju **budžet i troškovna efikasnost** manji od 15 aplikacija se odbija, bez obzira na dobiven ukupan maksimalan broj bodova.

Komisija će procjenjivati vrijednost indikatora. Prilikom određivanja vrijednosti indikatora komisija će se pridržavati prioriteta, finansijskih kriterija i načina rangiranja koji su propisani Programom. Svi članovi komisije dodjeljuju ocjene, a ukupan broj bodova se dobija kada se ocjene dobivene od svih članova komisije podjele sa brojem članova komisije.

5.6.11. Skala za evaluaciju

INDIKATOR	SKALA	
	Projekti	Zahtjevi
1. Finansijski i operativni kapaciteti aplikanta	10	
1.1. Procjenjeni nivo iskustva aplikanta u upravljanju projektom?	5	-
1.2. Procjenjeni nivo tehničkog i stručnog znanje i iskustva neophodnog za implementaciju projekta?	5	-
2. Relevantnost	25	25
2.1. Koliko je aplikacija relevantna za svrhu, opći i posebne ciljeve Programa?	5	5
2.2. Koliko je aplikacija relevantna za prioritetne aktivnosti u okviru svakog posebnog cilja?	5x2	5x2
2.3. Koliko je aplikacija relevantna za očekivane rezultate Programa?	5x2	5x2
3. Metodologija	10	
3.1. Da li su aktivnosti u prijedlogu projekta odgovarajuće i konzistentne sa ciljevima i očekivanim rezultatima projekta?	5	-
3.2. Koliko je koherentan dizajn projekta, konkretna analiza problema, da li su predložene aktivnosti odgovarajuće za rješavanje prezentiranog problema, te da li su na zadovoljavajući način planirani raspoloživi resursi aplikanta, a koji mogu doprinijeti rješavanju problema?	5	-
4. Održivost	25	25
4.1. Da li će mjere podrške Programa značajnije doprinijeti rješavanju problema koji je naveden u prijedlogu projekta ili zahtjevu?	5	5x2
4.2. Da li predložene aktivnosti mogu imati pozitivne multiplikativne efekte na razvoj poduzetništva i obrta u Bosansko-podrinjskom kantonu Goražde?	5x2	5
4.3. Da li su očekivani rezultati aktivnosti za koje se traži finansiranje održivi u finansijskom smislu i da li će se ostvarivati i nakon prestanka finansiranja iz Programa, u periodu od minimalno tri godine?	5x2	5x2
5. Budžet i troškovna efikasnost	30	30
5.1. Da li je odnos između planiranih troškova i očekivanih rezultata zadovoljavajući?	5x2	5x2
5.2. Da li je visina predloženih troškova adekvatna za implementaciju planiranih aktivnosti?	5x2	5x2
5.3. Da li su predloženi troškovi aktivnosti obrazloženi na način da dokazuju da će sredstva Programa biti iskorištena na efikasan i ekonomičan način?	5x2	5x2
MAKSIMALAN BROJ BODOVA	100	80

5.6.12. Procedure odobravanja prijedloga projekata

Projekte koji su u procesu evaluacije dobili više od 70 bodova, komisija rangira po broju osvojenih bodova.

U procesu odobravanja, komisija može uvidom na terenu provjeriti stanje u pogledu usklađenosti stvarnog stanja sa stanjem navedenim u prijedlogu projekta.

Nakon provedenog rangiranja odobravaju se svi najbolje rangirani projekti do visine raspoloživih sredstava koja su Programom definisana za svaki poseban cilj. Svi najbolje rangirani projekti za koje postoje raspoloživa sredstva imaju status odobrenih projekata.

Prijedlozi projekata koji imaju više od 70 bodova, ali za čije finansiranje nema raspoloživih sredstava, stavljaju se na listu čekanja u slučaju obezbjeđenja dodatnih sredstava za Program ili donošenja odluke o preraspodjeli sredstava u skladu sa odredbama Programa. U suprotnom prijedlog projekta se odbija.

Nakon provedenog rangiranja, komisija predlaže odobravanje prijedloga projekta u punom ili umanjenom iznosu u zavisnosti od rezultata procesa evaluacije.

Sve odobrene projekte Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da donese odluku o odobravanju prijedloga projekata koji će se sufinansirati sredstvima iz budžeta Ministarstva za privredu Bosansko-podrinjskog kantona Goražde—ekonomski kod 614500 POD 003—Subvencije za podsticaj razvoja, poduzetništva i obrta.

Istovremeno sa prijedlogom odluke o odobravanju prijedloga projekata, Vladi Bosansko-podrinjskog kantona Goražde se dostavljaju odobreni prijedlozi projekata i prednacrti ugovora o sufinansiranju odobrenih projekata.

Ukoliko se odlukom Vlade Bosansko-podrinjskog kantona Goražde o davanju saglasnosti na spisak korisnika odobrava iznos granta veći od 10.000 KM, prije potpisivanja ugovora, nacrt ugovora dostavlja se Kantonalnom pravobraniocu na mišljenje.

U slučaju da je planirano sufinansiranje projekta iz Programa veće od 6.000 KM i manje od 50.000 KM, uz prednacrt ugovora podnosi se i prijedlog zaključka Vlade Bosansko-podrinjskog kantona Goražde o davanju saglasnosti ministru za privredu Bosansko-podrinjskog kantona Goražde za potpisivanje ugovora.

Nakon prihvatanja prijedloga odluke od strane Vlade Bosansko-podrinjskog kantona Goražde i pribavljenog mišljenja Kantonalnog pravobranilaštva na nacrt ugovora, pristupa se potpisivanju ugovora za sufinansiranje projekata o čemu se aplikanti pismeno obavještavaju.

Ugovorom se definiše način implementacije projekta, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.

Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese odluku o odobravanju sredstava iz budžeta Ministarstva za privredu Bosansko-podrinjskog kantona Goražde – ekonomski kod 614 500 POD 003 – Subvencije za podsticaj razvoja, poduzetništva i obrta u skladu sa dostavljenim nacrtima ugovora.

Nakon privatiranja prijedloga odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde, pristupa se potpisivanju ugovora sa korisnicima sredstava i zahtjev za plaćanje se dostavlja Ministarstvu za finansije Bosansko-podrinjskog kantona Goražde.

5.6.13. Procedure odobravanja zahtjeva za sredstvima

Zahtjeve za sredstvima koji su u procesu evaluacije dobili više od 50 bodova komisija će rangirati po broju osvojenih bodova.

Zahtjevi za sredstvima koji imaju manje od 50 bodova se odbacuju.

U procesu odobravanja, komisija može uvidom na terenu provjeriti ispunjavanje uslova za dobijanje podrške u pogledu uklađenosti stvarnog stanja sa stanjem navedenim u zahtjevu za sredstvima.

Nakon provedenog rangiranja, komisija predlaže odobravanje zahtjeva u punom ili umanjenom iznosu u zavisnosti od rezultata procesa evaluacije. U toku provođenja procedura odobravanja zahtjeva komisija vodi računa o prethodno odobrenim zahtjevima, odobrenim projektima, odnosno projektima koji se nalaze u procesu odobravanja.

Zahtjevi za sredstvima koji imaju više od 50 bodova, za čije finansiranje nema raspoloživih sredstava stavljaju se na listu čekanja u slučaju obezbjeđenja dodatnih sredstava za Program ili donošenja odluke o preraspodjeli sredstava u skladu sa odredbama Programa. U suprotnom zahtjev za sredstvima se odbija.

Sve odobrene zahtjeve Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese odluku o odobravanju sredstava iz budžeta Ministarstva za privredu Bosansko-podrinjskog kantona Goražde – ekonomski kod 614 500 POD 003 – Subvencije za podsticaj razvoja, poduzetništva i obrta.

Nakon prihvatanja prijedloga odluke od strane Vlade Bosansko-podrinjskog kantona Goražde, pristupa se potpisivanju ugovora za sufinansiranje korisnika koji su aplicirali u aplikacionoj formi za zahtjeve, o čemu se aplikanti pismeno obavještavaju.

Ugovorom će se definisati način implementacije sredstava, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.

Nakon prihvatanja prijedloga odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde i potpisivanja ugovora zahtjev je odobren i Ministarstvo za privredu Bosansko-podrinjskog kantona Goražde dostavlja zahtjev za plaćanje Ministarstvu za finansije.

Podnosioci prijava čija imena nisu objavljena u predloženim rang listama korisnika grant sredstava mogu uložiti prigovor Ministarstvu za privredu Bosansko-podrinjskog kantona Goražde u roku od 7 (sedam) dana od dana objave na oglasnoj ploči Bosansko-podrinjskog kantona Goražde i web stranici www.bpkg.gov.ba, radi provjere činjenica i objektivnosti ocjene prijava.

Konačnu odluku o prijedlogu rang liste za dodjelu grant sredstava donosi ministar za privredu Bosansko-podrinjskog kantona Goražde, a o dodjeli grant sredstava Vlada Bosansko-podrinjskog kantona Goražde.

6. KORISNICI SREDSTAVA

Korisnici sredstava su pravni subjekti koji ispunjavaju opće i posebne uslove Programa i koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog Programa.

Ministarstvo za privredu Bosansko-podrinjskog kantona Goražde vodi registar korisnika u kojem se nalaze svi relevantni podaci o datoj državnoj pomoći u okviru ovog Programa za period od pet godina od godine dobijanja državne pomoći.

6.1. Prioritetne aktivnosti

Prioritetne aktivnosti i mjere za učestvovanje u Programu u okviru prvog posebnog cilja su:

- unaprjeđenje postojećeg obrta, starih zanata i niskoakumulativnih djelatnosti
- nabavka mašina, uređaja, ostale opreme i repromaterijala, isplata plaća i doprinosa, rekonstrukcija i investiciono ulaganje u objekte sa ciljem unaprjeđenja postojećeg obrta

Prioritetne aktivnosti i mjere za učestvovanje u Programu u okviru drugog posebnog cilja su:

- očuvanje postojećeg obrta, starih zanata, obrta u niskoakumulativnim djelatnostima, kao i privrednih subjekata registrovanih u drugim djelatnostima (trgovina, ugostiteljstvo), u cilju očuvanja postojeće djelatnosti i prevazilaženja poteškoća u radu.
- nabavka mašina, uređaja, ostale opreme i repromaterijala, nadoknada dijela štete nastale nepredviđenim okolnostima, isplata plaća i doprinosa, rekonstrukcija i investiciono ulaganje u objekte, u cilju očuvanja djelatnosti i poboljšanja uslova poslovanja.

6.2. Finansijski kriteriji

Finansijski kriteriji se primjenju za ocjenu budžeta i troškovne efikasnosti predloženih aktivnosti.

Za ocjenjivanje odnosa planiranih troškova i očekivanih rezultata te adekvatnosti, efikasnosti i ekonomičnosti, primjenjivaće se sljedeći finansijski kriteriji:

1. Za unaprjeđenje postojećeg obrta, starih zanata i niskoakumulativnih djelatnosti koje se odnosi na nabavku mašina, uređaja, ostale opreme i repromaterijala, isplatu plaća i doprinosa, rekonstrukciju i investiciono ulaganje u objekte sa ciljem unaprjeđenja postojećeg obrta, primjenjivat će se finansijski kriterij od maksimalno 6.000,00 KM državne pomoći po apliciranom projektu.
2. Za očuvanje postojećeg obrta, starih zanata, obrta u niskoakumulativnim djelatnostima, kao i privrednih subjekata registrovanih u drugim djelatnostima (trgovina, ugostiteljstvo), u cilju očuvanja postojeće djelatnosti i prevazilaženja poteškoća u radu, koje se odnosi na nabavku mašina, uređaja, ostale opreme i repromaterijala, nadoknadu dijela štete nastale nepredviđenim okolnostima, isplatu plaća i doprinosa, rekonstrukciju i investiciono ulaganje u objekte, u cilju očuvanja djelatnosti i poboljšanja uslova poslovanja, primjenjivat će se finansijski kriterij od maksimalno 2.000,00 KM državne pomoći po apliciranom zahtjevu.

6.3. Način rangiranja

Prilikom ocjenjivanja finansijskih i operativnih kapaciteta prednost će se dati aplikantima koji redovno izmiruju obaveze prema porezima i doprinosima u odnosu na aplikante koji imaju reprogram duga, koji su duži vremenski period aktivni na području kantona, koji imaju bolju organizacionu strukturu i koji su uspješno provodili slične projekte.

Prilikom ocjenjivanja relevantnosti projekta prednost će se davati projektima koji su predviđeni Programom, a komisija će voditi računa o raznolikosti i zastupljenosti proizvodnje proizvoda i usluga na području kantona koje su predmet apliciranih projekata.

Prednost će se dati aplikacijama koje imaju za cilj realizaciju prioritetnih aktivnosti i mjera predviđenih ovim Programom. Posebna pažnja će biti data aplikacijama koje doprinose ostvarivanju više prioritetnih aktivnosti i mjera predviđenih Programom.

Prednost u pružanju podrške će se dati projektima i zahtjevima koji omogućavaju ostvarivanje većih rezultata koji su predviđeni ovim Programom.

Prilikom ocjenjivanja metodologije ocjenjivaće se metode i predloženi način realizacije aktivnosti. Aplikacije koje imaju bolje razrađenu metodologiju i koherentniji plan implementacije projekta ili zahtjeva će imati prednost pri rangiranju.

Prilikom ocjenjivanja održivosti projekta, prednost imaju aplikacije koje na sveobuhvatniji način rješavaju problem i omogućavaju ostvarivanje rezultata, koje provode aktivnosti koje su bolje povezane sa potrebama poduzetništva i obrta i koje mogu dugoročno osigurati nastavak aktivnosti i nakon završetka projekta.

Prikom ocjenjivanja budžeta i troškovne efikasnosti prednost će se dati aplikacijama koje bolje ispunjavaju finansijske kriterije Programa, koje su u budžetu navele i iskazale sve aktivnosti potrebne za realizaciju projekta.

Prikom ocjenjivanja i rangiranja potencijalnih korisnika prednost će se dati onim korisnicima koj su u prethodnim godinama koristili podsticajna sredstva u manjem obimu ili ih nisu nikako koristili.

7. POTREBAN BROJ RADNIKA ZA PROVOĐENJE PROGRAMA I MONITORING

a) Potreban broj radnika za provođenje Programa

Za provođenje Programa su nadležni zaposleni u Ministarstvu za privredu Bosansko-podrinjskog kantona Goražde.

b) Monitoring implementacije i provođenja Programa

Monitoring se provodi sa ciljem utvrđivanja da li se implementacija podržanih aktivnosti provodi u skladu sa potpisanim ugovorima i u skladu sa odredbama ovog Programa. U cilju osiguranja procjene rezultata odabrani korisnici su dužni nakon utroška odobrenih sredstava dostaviti Ministarstvu za privredu Bosansko-podrinjskog kantona Goražde izvještaj o provedenim aktivnostima koje su odobrene za finansiranje iz Programa i to jedan izvještaj na polovini i konačan izvještaj na kraju implementacije projekta.

Nadzor realizacije Programa utroška sredstava sa ekonomskog koda 614 500 POD 003– Subvencije za podsticaj razvoja, poduzetništva i obrta vrši Ministarstvo za privredu Bosansko-podrinjskog kantona Goražde

Mjerenje rezultata i provedenih aktivnosti će se vršiti na osnovu periodičnog monitoringa implementacije projekta sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška dodijeljenih sredstava.

U slučaju da rezultati monitoringa ukažu na značajni zaostatak u ispunjavanju ugovorenih obaveza, ministarstvo predlaže Vladi Bosansko-podrinjskog kantona Goražde donošenje odluku o povratu dodjeljene državne pomoći ili preusmjeravanje u skladu sa odredbama Programa.

Krajnji rok za realizaciju projekata korisnika kojima je dodijeljena državna pomoć je 31.12.2018.godine.

8. PROCJENA REZULTATA

Aplikanti su dužni u prijedlogu projekta navesti specifične rezultate koji su direktno povezani sa očekivanim rezultatima ovog Programa i moraju biti mjerljivi i jasno vremenski određeni.

Očekivani rezultati “Programa podrške razvoju poduzetništva i obrta za 2018. godinu” su:

- unaprijeđenje obrta i povećanje obima poslovanja u obrtu kroz ulaganja u nabavku opreme, repromaterijala, ulaganja u objekte i otklanjanje uskih grla,
- prevazilaženje poteškoća u radu pri obavljanju obrta i omogućavanje dugoročnog stabilnog poslovanja poduzetnika (trgovina, ugostiteljstvo) i obrtnika, starih zanata i obrtnika u niskoakumulativnim djelatnostima.

Sve aplikacije koje se podnose za finansiranje iz sredstava Programa će biti procjenjivane u odnosu na njihove očekivane rezultate. Očekivani rezultati prijedloga projekata i zahtjeva za sredstvima se procjenjuju u odnosu na očekivane rezultate Programa.

Očekivani rezultati koji su predloženi u prijedlogu projekta će se koristiti za ocjenu kvalitete prijedloga projekta i njegovog doprinosa ostvarivanju ciljeva Programa, a takođe će biti kriterij za ocjenu namjenskog utroška sredstava i ispunjavanja ugovorenih obaveza po odobrenim grantovima Ministarstva za privredu Bosansko-podrinjskog kantona Goražde.

Mjerenje rezultata aktivnosti će se vršiti na osnovu rezultata monitoringa implementacije obilaskom korisnika na terenu i na osnovu pismenih izvještaja korisnika sredstava.

U cilju osiguranja procjene rezultata Programa odabrani korisnici koji su dobili podršku dužni su nakon utroška odobrenih sredstava dostaviti Ministarstvu za privredu Izvještaj o provedenim aktivnostima koje su odobrene za finansiranje iz Programa. Odabrani korisnici dužni su dostavljati jedan izvještaj na polovini i konačan izvještaj na kraju implementacije projekta. Forma i sadržaj Izvještaja o utrošku sredstava će biti dostavljena svim korisnicima sredstava.

Implementacijom “Programa podrške razvoju poduzetništva i obrta za 2018.godinu” pružiće se podrška za minimalno 24 projekta dostavljenih od strane poduzetnika i obrtnika (projekti i zahtjevi).

Programom će se omogućiti podrška za minimalno 14 obrtnika u cilju unaprjeđenja poslovanja i stabilnog rasta, kao i podrška za minimalno 10 poduzetnika (trgovina i ugostiteljstvo) i obrtnika za očuvanje djelatnosti, a koji zbog poteškoća imaju probleme održivog poslovanja.

Prilikom procesa ocjenjivanja prijedloga projekata primjenjivat će se okvir koji je definisan za očekivane rezultate Programa i on se nalazi u tabeli broj 1.

Tabela 1:

Tabelarni pregled očekivanih minimalnih rezultata

Očekivani rezultat	Minimalni očekivani rezultat	Jedinica rezultata	Broj jed.	Maksimalni budžet (KM)	Maksimalni podsticaj po jedinici rezultata (KM)
Pružena pomoć za unaprjeđenje postojećeg obrta, niskoakumulativnih djelatnosti i starih zanata	Podržano 14 projekata za unaprjeđenje postojećeg obrta, niskoakumulativnih djelatnosti i starih zanata	Projekt	14	80.000	6.000
Pružena pomoć za očuvanje postojećeg obrta, niskoakumulativnih djelatnosti, starih zanata, kao i drugih registrovanih djelatnosti (trgovina, ugostiteljstvo)	Podržano 10 aplikacija za očuvanje postojećeg obrta, niskoakumulativnih djelatnosti, starih zanata, kao i drugih registrovanih djelatnosti (trgovina, ugostiteljstvo)	Zahtjev	10	20.000	2.000

9. PROCJENA NEPREDVIĐENIH RASHODA I RIZIKA

Aplikanti čiji su projekti sufinansirani dužni su planirati odgovarajuće mjere koje će poduzeti u slučaju pojave rizika koji mogu uticati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog Programa.

Kao sredstvo obezbjeđenja namjenskog utroška sredstava, korisnici su dužni resornom ministarstvu dostaviti mjenicu sa mjeničnim ovlaštenjem, čime će se izbjeći rizici u procesu implementacije projekta.

Broj: 04-14-845/18

Goražde, 23.05.2018.godine

MINISTAR

Anes Salman

